

ÅRSMELDING FOR BRUKTBUO



2023

OM OSS:



Bruktbuo er ein bruktbuikk i hjarte av Eikelandsosen. Butikken er drifta av om lag 40 frivillige medarbeidarar. Me har ope tre dagar i veka torsdag – laurdag, der ein treng 10 frivillige per veke. Dei frivillige arbeida tre timar per vakt, og vel sjølv kor ofte dei vil jobbe.

Me lever av at folk i lokalmiljøet leverer inn ting til oss som dei ikkje lengre har brukt for. Dette er brukte og ubrukte ting som me sel til ein billig penge, og kjem gode formål til gode.

Etter at alle utgifter er betalt sit me som regel att med eit overskot. Overskotet blir fordela likt på to gode formål. Det eine er Fusa sokn sitt barne- og ungdomsarbeid, og det andre er å hjelpe brannskadde born i Etiopia gjennom stiftelsen Childrens burn & Wound care foundation. Dette er ein stiftelse som er starta av den norske legen Einar Eriksen. Me har eit tett forhold til stiftelsen. Dei kjem med jamne mellomrom innom på besøk, i tillegg har det fleire gonger vore arrangert turar til Etiopia med frivillige og andre frå Fusa, der ein har besøkt dei ulike prosjekta.




Torsdag: 12-18

Fredag: 11-17

Laurdag: 11-14

Dette er 20 år gamle Emamiye. Bileta er frå før og etter ho har fått hjelp av CBWCF. Denne hjelpa er betalt av midlar som er samla inn i Fusa.

Eit bevis på at det nyttar å hjelpe!




Organisering:



Sidan Bruktbuo blei stifta i 2011 har den vore organisert under Frivilligsentralen. Frivilligsentralen er eigd av Fusa sokn (den norske kyrkje). I slutten av 2022 dukka det opp ei problemstilling. Det var at aktivitetar ein tente pengar på som var underlagt den norske kyrkje måtte betale moms, der i blant kom Bruktbuo under denne regelen. Det blei undersøkt nøye, men det var ingen veg utanom. Bruktbuo måtte dermed bli oppretta som ein eigen organisasjon. På årsmøte til frivilligsentralen og Bruktbuo blei «foreininga Bruktbuo» stifta. Harald Geir Sæther (tidlegare kyrkjeverje i Fusa sokn) hjalp til med den formelle biten. Dette til god nytte!

Bruktbuo er dermed no ein eigen organisasjon, men dagleg leiar ved Fusa frivilligsentral hjelper til med det administrative arbeidet slik som tidlegare år. Bruktbuo har eige styret som tek avgjersler og legg føringar for korleis ein skal drifte butikken på best mogleg måte. Dagleg leiar for Fusa frivilligsentral har fast plass som styremedlem/sekretær i styret. Nedanfor ser de oversikt over styremedlemmane i 2023:



Styremedlem/leiar	Ottar Lister Midtrød
Styremedlem/Sekertær	Hildegunn M. Eide/ Victoria T. Dale
Styremedlem	Olaug Bjørndal
Styremedlem	Gunn marit Balderheim
Varamedlem	Anne Kristin Aase
Varamedlem	Marianne Ulevik

Styret hadde tre styremøter i løpet av 2023, i tillegg til årsmøte/stiftingsmøte. Det har elles vore litt møter per telefon/mail, spesielt i forbindelse med stiftinga av foreininga Bruktbuo.

Økonomi:



På bakgrunn av at Bruktbuo endra organisasjonsform blir rekneskapen todelt. Foreininga Bruktbuo kom i gong frå 18.mai. Før dette var det den gamle organiseringsforma, me må dermed betale 25% moms av inntekta desse månadane. I utgangspunktet er det dermed ikkje noko overskot desse månadane, men ser ein vekk i frå momsreglementet, så hadde nok overskotet vore på om lag 38.000 kroner. Fusa sokn arbeida med å få sleppe å betale mva-avgifta, så i håp om det ønskjer dei at me overfører 19.000 kroner til CBWCF som eit overskot frå januar – mai 2023.

Inntektsmessig har 2023 vore eit godt år. Salet frå 1.januar – mai enda på 111.876 kroner. Frå 18.mai til 31.desember var salet på 353.136 kroner.


Dette er veldig bra!

Utgifter knytta til butikken har me blant anna straum og husleige som er store postar. I tillegg har me nokre avgifter som er bankterminalen vår og bosstømming. Me betaler Fusa frivilligsentral 15.000 kroner for administrative kostnader. Me kjøper inn litt kaffi og hushaldningsting, nokre nye hyller og me brukte litt pengar i forbindelse med medarbeidarssamlingar. Alt i alt ikkje dei store utgiftene.

Totalt sett frå mai til januar ser det ut til at me har eit overskot på om lag 213.511 kroner, som må vere ny rekord!

Dei frivillige har gjort ein fantastisk jobb!





Bruktbuo er like mykje ein sosial samlingsplass som ein butikk. Her skapast det nye betjentskaper, og ein skal føle at ein er del av eit fellesskap. Me har ein kaffikrok der ein kan slå av ein prat, elles har me ulike treffpunkt som kundefriedagar og tysdagsklubb.

Tysdagsklubb

Dette er eit handarbeidstreff som tek til i butikken andre tysdag i månaden, frå klokka 11-13. Treffet er ope for alle interesserte. Ein tek med seg niste og 10 kroner til kaffien, samt eige handarbeid. Det er gjennomsnitt 10 personar som pleier å møte på desse treffa.



Damene på tysdagklubben er ein driftig gjeng som produserer flotte heimelaga produkt av restegarn og halvferdig handarbeid som kjem inn på Bruktbuo. Desse ferdige produkta samla me saman til basar og loddsal. I 2023 hadde me ute ei loddbok som me trakk i august. På den kom det inn 11.000 kroner. Det er ei god inntektskjelde til Childrens brun & wound care foundation.

Redesign

Nokre av dei frivillige er dyktige med redesign av ulike tekstiler me får inn. Til dømes blir gamle sengkler omgjort til forkle eller handlenett. Me har også ein vev i Bruktbuo, nokre er flinke på å lage filleryer av tekstiler. Dette blir til produkter som me sel i butikken.




Kundefridag

Dette er eit tiltak som heldt til kvar 3.måndag mellom kl. 10-13. Då blir alle frivillig i Bruktbuo invitert med på å rydde, fyller med nye varer, prise, ommøblere med meir. Me har alltid ein felles lunsj rundt klokka 12, der me ofte diskuterer ulike temaer. Ved hjelp av desse dagane klara me å halde eit ryddig lager og butikk. Dei frivillige er flinke å stille på og gjer ein god innsats på desse dagane. Nokre gongar då det har vore mykje å gjere har me hatt to kundefriedagar etter kvarandre, dette etter eit innspel som kom dette året.



Medarbeidarsamling

To gongar for året arrangera me medarbeidarsamling, dette er sosiale treff for dei frivillige. I juni hadde me medarbeidartur til Strandebarm. Her besøkte me ei lue full av retro ting, kalla Hardanger retro. Me var også innom keramikk verkstaden til Linda Lid, spennande å sjå når ho laga keramikk. Avslutningsvis var me innom Marie Haukås sitt atelie. Me hadde også med oss snittar frå Marianne Ødegård hjemmecatring. Ein flott og minnerik junidag.



I oktober inviterte me til medarbeidarsamling i Handtverksgården i Bjørndal. Me hadde bestilt lasagne, i tillegg var det kaker og kaffi. Det blei ein kveld fylt med mykje prat og god stemning.



Superlaurdag

I mars arrangerte me superlaurdag i Bruktbuo. Det var denne dagen -50% på alle varer i butikken. I tillegg var det mannekengoppvisning og sal av heimebakst. Jon Berhovde var med å spela trekkspel musikk. Dei blei ein kjekk dag med mykje folk og liv i buo.



Tv-aksjonen

I tradisjonen tru gjekk dagsinntekta laurdag 21.oktober til årets Tv-aksjon. Aksjonen gjekk i 2023 til Redd barna med fokus på born i krig. Det var denne dagen halv pris på alle varer, samt at me hadde kafèutsal. Det kom inn heile 7000 kroner som blei overført til Tv-aksjonen. Fantastisk flott sum!



Det blei også utlevert bøsser til bøsseberarar. Søndagen blei butikken brukt som base for innlevering av bøssene.



Etiopia



I butikken vår sel me i tillegg til brukte varer Etiopisk kaffi. Dette er til inntekt til brannskadde born prosjektet. Ei fin alternativ gåve, som absolutt verdt ein smak!

Me får inn mykje reste garn på butikken, og alt blir ikkje nytta til gevinstar. Noko blir også laga til tepper og babyklede. Desse samlar me saman og sender til NLM sin base i hovudstaden Addis abeba. Det blir der i frå frakta til ulike plasser der det er behov for varme klede. Det meste går til prematur babyar ved eit sjukehus i Ginir.



Praktiske oppgåver

Det hender at ikkje alt me får inn kan seljast, me lyt difor køyre boss nokre gongar i løpet av året. Me er heldige og har ein snill nabomann som hjelper oss med denne oppgåva.



Det dukkar stadig opp praktiske oppgåver som ikkje er så enkel for damer å løyse. Me etterspurte difor etter nokre menn som kunne hjelpe oss med litt praktiske oppgåver som til dømes flytte på møblar, køyre med hengar og montere ting. Det var fleire som meldte seg, så dette var svært positivt. Me har alltid plass til fleire både menn og kvinner.



Samarbeid med skular

Me har hatt samarbeid med klassen innsats for andre ved Fusa ungdomsskule. Våren 2023 kom det kvar torsdag 3 elevar frå denne valfag klassen bort til oss mellom kl. 12:30-14. Dei hjalp til med ulike oppgåver i butikken.

Det var også innom elevar frå helsefag ved Fusa vidaregåande, dei ville høyre meir om frivilligsentralen og Bruktbuo. Det er viktige samarbeid, og eit ønskje om at ungdommane får meir auga opp for frivilligarbeid og gjenbruk.



Tusen takk



Tusen takk til deg som er frivillig og har bidratt av tida di, og vore med på at me har kunne holdt bruktbutikken open tre dagar i veka.

Ein stor takk til deg som leverer brukte og ubrukte ting til oss som du ikkje lengre treng.

Ikkje minst og takk til alle som kjem å handlar hos oss.
Det hadde ikkje vore ein bruktbbutikk i Eikelandsosen utan dykk!

Vil også rette ein takk til alle som stikka, broderer og syr, og leverer det inn til Bruktbuo. Samt andre som hjelper oss med praktiske oppgåver.

De er alle med å gjer ein forskjell for miljøet, lokalsamfunnet og brannskadde i Etiopia.



Følg oss gjerne "Bruktbuo Fusa"